



職方典第一千四百五十三卷

雲南總部彙考一

雲南建置沿革考

明一統志

雲南古梁州之南境爲徼外彝地漢置益州郡領於益州部刺史自唐至宋爲蒙氏段氏所據元置雲南諸路行中書省及肅政廉訪司于中慶又置曲靖等路宣慰司于曲靖臨安等處宣慰司于臨安大理金齒等處宣慰司都元帥府于金齒明改置雲南等處承宣布政使司領雲南大理臨安楚雄澂江廣西廣南鎮沅蒙化景東永寧順寧一十二府曲靖姚安鶴慶武定尋甸麗江元江永昌八軍民府北勝新化二州者樂甸一長官司禦彝孟定孟良二府孟養軍民指揮使司車里木邦老撾緬甸八百大甸大苦刺麓川平緬底馬撒八宣慰使司于崖南甸隴川三宣撫司鎮康灣甸大侯威遠四州芒市鈕兀孟理茶山麻里五長官司置雲南都指揮使司領雲南左雲南右雲南中雲南前雲南後廣南大理臨安曲靖景東楚雄洱海平彝越州蒙化陸涼永昌大羅一十八衛瀾滄騰衝二軍民指揮使司宜良易門安寧馬隆楊林堡十八寨

本密關七守禦千戶所置雲南等處提刑按察司分普安臨元金滄洱海四道兼察諸府州衛
所三司並治於雲南府云

雲南疆域圖

界街井益

界衛州會

東川府界

界撒烏

界安普黔

界州貴

界府土城泗

界安鎮

交趾光東界

交趾界



打冲河界

蒙古
界西蕃界

蒙蕃界

怒界

吐蕃界

野人界

野人界

西洋海界

諸蕃界

南海岸界

方輿彙編職方輿第一千四百五十三卷雲南總部彙考一雲南



雲南疆域考

通志

東至廣西泗城州界七百五十里 西至神護關接野人界一千七百六十里 南至交

岡界七百五十里 北至四川會川衛界四百里 東南至貴州普安州界五百里

東北至貴州烏撒衛界六百三十里 西南至巨石關一千八百五十里 西北至吐蕃

界二千里 自省城達

京師八千二百里 東西廣二千二百六十里南北袤一千一百五十里

形勝附

有天下之形勢有一省之形勢卽有一郡之形勢孟子所謂地利山谿之險也語者謂燕如首西北東南如二肢西南如足必足無痿蹙之患然後能屬役於元首由是廣之則知省會之視列郡已漢史傳西南滇國最大今爲行省以滇爲上游領袖諸郡所從來也雖無山河表裏之固江湖襟帶之雄然商山之頂北顧東川金沙奔流繞其麓而行至於蜀之戎湖曲州靖州而外峻嶺千重受蘭滄之水以達粵西庶幾乎此方之襟帶而表裏乎蓋嘗綜全省之形勢論之

東以曲靖爲關霑益爲蔽南以元江爲關車里爲蔽西以永昌爲關麓川爲蔽北以鶴慶爲關麗江爲蔽若夫東貴州東南交趾西南緬甸西北吐蕃則八百老撾交趾諸彝以元江臨安爲鎖鑰緬甸諸彝以騰越永昌順寧爲咽喉吐蕃以麗江永寧北勝爲扼塞知扼塞則吐蕃無牧馬之警守咽喉則西彝息舉燧之虞固鎖鑰則南彝絕乘障之擾三要得而雲南可安枕矣

雲南星野考

通志

東井八星與鬼四星南方朱鳥七宿之首與目也按古曆法井宿赤道三十三度三十一分黃道三十一度三分鬼宿赤道二度二十分黃道二度二十一分

皇清曆度井宿三十一度鬼宿五度皆屬未宮漢天文志起井十六度唐志起井十二度晉志與費直皆同唐志蔡邕起井十度明起井九度一十八分四十一秒

皇清起井初度蓋以赤道分天之中互百不易黃道爲日月五星之常道不能不因歲差而變易也論分野者惟以赤道爲準井鬼之星於分爲秦於野爲雍梁二州爲巨蟹宮爲鶉首未宮井宿則雨水昏中鬼宿則春分昏中

周禮保章氏以星土辨九州所封之域其後星經散亡惟漢地理志載分野始詳而鄭康成十
二次之分大率因之晉天文志云班固取三統曆以十二次配十二野及費直周易分野蔡邕
月令章句後魏太史令陳卓定郡國所入宿度固已詳言之矣而舊志載滇分野雜引星經卒
無定論其曰太白主益州蓋太白秦分神主華岳華山屬少陰萬物由此而化生故金星位焉
又少昊爲白帝治西岳上應井鬼之精下鎮秦之分野故天官書曰秦之疆也候在太白白
主秦晉巴蜀羌髻諸國梁雍以西之地皆屬焉是太白主益州之說蓋通秦蜀而言非專爲滇
言之也又曰北斗第二星主益州星經以五亥夜候北斗第二星乙亥爲漢中丁亥爲永昌己
亥爲巴郡牂牁辛亥爲廣陵癸亥爲犍爲觀象玩占曰北斗一星主秦二星主楚三星主梁四
星主吳五星主趙六星主燕七星主齊則北斗第二星非專主益州分野明矣司馬遷曰觜觿
參益州東井輿鬼雍州班固則曰秦地東井輿鬼之分其界盡於西南牂牁越雋益州固去遷
未遠若以史遷之言爲然班固以同代史官不當更而定之矣又考四川成都井鬼分野入參
一度順慶參井松潘疊溪觜參東川屬參是觜參固與滇無與矣而志滇者猶曰半屬觜參半

屬井鬼又以迤東爲觜參迤西爲井鬼聚訟紛紛究同捫籥是皆徒襲乎星經之說而未攷乎分野之實也夫分野之定起於井鬼唐一行以山河兩戒論星野謂南河北河分夾東井爲天之闕門主關梁所以界天之南北也故北河曰北戒爲北戍衡星南河曰南戒爲南戍權星兩戒之間七曜之中道出焉春分昏中兩河當於午位就此時之中星觀之井在赤道之北黃道經其內恰值嵩高之上以是知天之高者惟北辰而井與北極最近地之高者惟崑崙而秦蜀滇與崑崙爲近故定分野者必以此爲準矣又天漢經井自井而向西北參觜次之畢昴次之婁胃奎壁室又次之此由西北而漸下之大略也自井而向東南南河次之輿鬼弧矢次之柳星張翼軫又次之此由東南而漸下之大略也故天官家以黃河內外水之歸東海者爲北河以長江內外水之歸南海者爲南河因水勢南北分合爲星野南北所主此又自天漢而斷之也夫南河北河兩星列於井之南北於此求之秦在西北則黃道所經之井卽秦分野蜀在秦西南則近參之井卽蜀分野滇又在蜀之南則近鬼之井卽滇分野是滇在井鬼之間明矣且天狼弧矢在井鬼之南主南彝良緬諸司之地占南彝者必於狼則志滇分野者亦必於井鬼

此又象之彰彰可據者也雖天道渺茫非可臆測而以雲漢與地勢之高下揆之亦概可識矣
世有甘石當必能辨之

雲南戶口考

通志

康熙三十年分原額人丁及編審清出除頂補老故外共人丁一十四萬一千五十八丁額徵
丁銀二萬八千四百四十二兩一錢九分一釐又康熙二十五年編審清出人丁四百四十五
丁應徵銀九十兩二錢一分二共人丁一十四萬一千五百三十三丁應徵丁銀四
兩四錢一釐 又額外康熙二十五年編審增出沐莊人丁一千九百七十丁應徵丁銀四
百七十六兩五錢七分一釐 康熙七年奉裁安寧易門宜良定雄通海鶴慶永平定遠中

屯越州曲靖大涼臨安十八寨洱海大羅蒙化楚雄十九衛所歸併州縣徵收

原額軍舍土軍人丁及編審清出共丁一萬七千四百九十九丁額徵丁銀七千七百九十三
兩三錢又康熙二十五年編審增出軍舍人丁一百一十二丁徵銀五十八兩六錢二分二共
人丁一萬七千六百一十一丁徵銀七千八百五十一兩九錢二分 康熙二十六年奉裁

雲南都使司督徵左右中前後廣平彝大理永昌騰衝瀾滄景東楊林木密馬隆新安姚安等十七衛所附鳳梧所歸併州縣徵收

原額軍舍土軍人丁及編審增出軍舍人丁共二萬九百八十三丁額徵丁銀八千二百三十五兩四錢五分又康熙二十五年編審增出軍舍人丁四十一丁徵銀一十四兩四錢八分二共人丁二萬一千二十四丁徵銀八千二百四十九兩九錢三分

雲南田賦考

通志

原額民賦及清出開墾等共田地七萬九百三十七頃八十一畝五分八釐八毫六絲一微六纖二塵七渺六漠查額內尚有荒蕪田地額編錢糧現係除荒徵解統俟開墾全熟足額

實徵夏稅本折麥三萬一千九百一十八石六斗六升四勺六圭七粒七顆八粟內除麗江府蒙番竊踞無從催徵暫免徵收麥四百五十八石五斗一升六合一勺外實徵麥三萬一千四百六十石一斗四升八合三勺六圭七粒七顆八粟 實徵秋糧本折米一十萬九千

三百九十七石八斗八升四合八勺六抄八撮四圭三粒一粟內除麗江府蒙番竊踞無從催徵

暫免徵收米一百四石六斗八升五合五勺外實徵米一十萬九千二百八十六石一斗九升九合三勺六抄八撮四圭三粒一粟內尚有麗江府蒙番占踞每年無徵秋米二百石係該土府補額 實徵條編協濟地畝等銀八萬七千八百六十兩八錢五分七釐四毫四絲四微

七織八渺三漠內有麗江土府被蒙番占踞每年無徵銀六十六兩四錢三分係該土府補額又額外增出沐莊田地並二十一年勸墾共田地二千五十頃五十畝四分二釐八毫九絲四忽三微四織六塵二渺四漠查增出田地內尚有荒蕪額編錢糧見係除荒徵解統俟開墾全熟足額 實徵夏稅本折麥四百五十五石二斗四升四合九勺三抄一撮七圭六粒五顆五粟 實徵秋糧本折米三千二十八石二斗二升四合五勺二抄三撮八圭三粒三顆六粟 實徵條編等銀二千五百六十七兩七錢八分五釐四毫六絲五微五塵七渺六漠

附額徵除懸額無徵並鳳氏克舉沒官祿昌賢等叛產刪除各款名色外

原額觀場田租除荒蕪無徵外實徵銀一百五十七兩三錢三分二釐七毫八絲五忽 花斑竹銀八十五兩耗銀六錢八分全徵 差發米麥牛馬綿紬海肥各項除荒蕪無徵外

實徵銀五千七百三十八兩九錢八分三釐九絲三忽五微四纖一渺六漠內除麗江府所轄
中甸被蒙番竊踞無從催徵暫免徵收銀四百一十四兩八錢三分三釐七毫五絲外實徵銀
五千三百二十四兩一錢四分九釐三毫四絲三忽五微四纖一渺六漠 差發米一千八
十石九斗一升七合每石折銀七錢該銀七百五十六兩六錢四分一釐九毫奉文改徵本色
無耗米一千八十石九斗一升七合

礦課商稅共銀九百五兩八錢四分遇閏加銀四十三兩二錢九分六釐六毫全徵查此礦課
內有新平縣明直廠課銀三百三十兩九錢六分因硯老山空礦苗斷絕曾經兩次題請豁免
未蒙除豁 商稅課程門攤酒醋鉛鐵等項共銀一萬三千三百三十四兩一錢六分二釐

五毫四絲六忽一微遇閏加銀五百二十三兩六錢八釐二毫二絲四忽六微三纖四塵又雲
南府稅課司春冬遇閏加銀三百三十三兩三錢三分三釐三毫三絲三忽三微夏秋遇閏加
銀一百六十六兩六錢六分六釐六毫六絲六忽六微全徵內有易門縣銅課銀二兩老場爐
課銀二十一兩六錢節據硯民控訴因開採年遠礦苗斷絕硯老山空久已無徵前已造入全

書題達未蒙除豁 商稅海肥易銀二十七兩五錢七分遇閏加肥易銀一錢全徵 商

稅麻布五百六十九段每段易銀一錢該銀五十六兩九錢全徵 魚課魚鈔共銀一千七

百六十四兩六錢五分七釐六毫內魚課魚鈔遇閏加銀六十三兩五錢六分一釐五毫八絲

又劍川州魚課遇閏春夏加銀一十三兩二錢四分秋冬加銀一十六兩五錢五分全徵

魚課米三十五石五斗每石折銀五錢該銀一十七兩七錢五分全徵 海湖租穀三百八

十四石六合每石折銀四錢該銀一百五十三兩六錢四釐二毫每銀四錢改徵穀一石該穀

三百八十四石六合全徵 年例沒官彝祖並武侯祠租穀除荒蕪無徵並刪除外實徵無

耗租穀一千八百三十二石四斗九升 學租銀六十九兩五錢二分一釐全徵 牛稅

籽粒稻穀銀二十二兩六錢七分全徵 籽粒銀除荒蕪無徵外實徵銀三百二十二兩九

錢七分三釐 房地租除荒蕪無徵外實徵銀一十一兩一錢八分二釐遇閏加銀四分五

釐 田租除荒蕪無徵外實徵銀五十九兩六錢八分四釐 地租除荒蕪無徵外實徵

銀六錢七分 軍餉米銀七錢五分八釐八毫七絲六忽三微全徵

乍甸均徭銀二十兩全徵

猛波羅各寨均徭銀二十兩七錢全徵

均徭水利銀三兩

一錢七分全徵

水利租穀銀五兩四錢八分全徵

古柏莊租穀二百石全徵

學

宮租穀除荒蕪無徵外實徵租穀八十石

租穀除荒蕪無徵外實徵租穀五百六十一石

六斗五升七合三勺七抄五撮五圭

租麥除荒蕪無徵外實徵租麥一十一石二斗九升

丈報陸地納租充餉銀八兩七錢九釐全徵

麥課銀一十二兩全徵

丁苴田租除荒

蕪無徵外實徵銀一十兩

館客銀除荒蕪無徵外實徵銀三百七兩二錢三分

站赤

除荒蕪外實徵銀一百五十九兩七錢二分五釐

丁差銀五十四兩七錢五分全徵

水夫銀二十八兩八錢全徵

鋪陳銀二十六兩全徵

芒市馬鞍鋪陳銀一十三兩全

徵 官山租銀一十二兩全徵

驛站充餉并站民認辦銀一千四百二十二兩二錢八

分一釐八毫五絲全徵

戶口食鹽銀一百一兩五錢一分四釐八毫全徵

村寨年納

商稅海關易銀三十八兩八錢全徵

灰窰銀一兩全徵

蒙化廣通磨酒課商稅銀

四十二兩二錢六分八釐遇閏加銀三兩二錢一分全徵

大理府街稅地租銀三兩五錢

全徵 布政司曆樣紙勛銀三兩六錢全徵 青龍花稅銀原無定額 染青龍釘銀

原無定額 稅契原無定額遇有民間投納按季彙解 鼓鑄息錢難以定額如奉文鼓

鑄獲息多寡按年彙報

新增

尋甸州四十八哨壽一百六十一石五斗全徵納樓司五畝地方差發銀一百兩全徵 開

化府納臨安府蒙自縣戶口食鹽銀二十二兩七錢五分四釐全徵 馬街商稅銀一十二

兩全徵 本府新設商稅年徵課銀三百兩全徵 元江府田錢地講銀五千五十三兩

二錢三分六釐全徵內有臨安府慢車寨年納銀六十兩歸該府管轄徵解外元江府止該實

徵銀四千九百九十三兩二錢三分六釐全徵 浪媽等六寨歲徵地租銀二百八十五兩

全徵 查元江府田錢地講浪媽等銀據該府詳稱係新增之項藉民重困請減一半已造

入全書未蒙除減 普洱商稅銀一千六十四兩八錢全徵 昆陽州柴廠廣南府剝隘

元謀縣馬街三道商稅原無定額遇有商賈經過照貨抽收按年彙解 曲靖府經徵曲靖